

© 2014

Ich luur op mi Kölle © 2014

M/T: Cöllner, Christa Drmota

Ich stonn he en Kölle zigg iwiger Zick
Et duerte lang , doch dann wor et su wigg
ming Türm jo, die zeije janz hu en dr Himmel erin

Se sullten janz noh – bei Herrjöttche sin
un ich draje elf Jlocke deaf en mer drin
3 Künninge schlofe en mer un se föhlen sich jot

*Un am Ovend, do leuch ich mich selver dann ahn
Domet och bloss jeder zo mer finge kann
Ich luur op mi Kölle - op die Minsche am Rhing*

**Ich luur op mi Kölle - op ming Stadt he am Rhing
Op de Minsche die kumme - öm mich ahnzosin
Ich luur op mi Kölle - hür su jän kölsche Tön
Loss dä Pitter laut lügge - Kölle, es jo su schön**

Et es bahl add wenn - minge Buuch sich erhellt
Wenn se bedde öm Fridde he op dr Welt
Hösch hüren ich zo un se föhle se sin nit allein

En Käß noh dr andere jo die zünde se ahn
Dat wärmt mer de Föß un ich halde se drahn
Un villes, dat widd wie vun selver op eimol janz klein

*Un am Ovend, do leuch ich mich selver dann ahn
Domet och bloss jeder zo mer finge kann
Ich luur op mi Kölle - op die Minsche am Rhing*

**Ich luur op mi Kölle - op ming Stadt he am Rhing
Op de Minsche die kumme - öm mich ahnzosin
Ich luur op mi Kölle - hür su jän kölsche Tön
Loss dä Pitter laut lügge - Kölle, es jo su schön**

Songtext

CÖLLNER

www.coellner.de

**Ich luur op mi Kölle - op ming Stadt he am Rhing
Op de Minsche die kumme - öm mich ahnzosin
Ich luur op mi Kölle - hüür su jän kölsche Tön
Loss dä Pitter laut lügge - Kölle, es jo su schön**